

## **SÖĞÜT VAKIFLARI**

**Doç. Dr. Refet YİNANÇ**

Osmanlı Devleti'nin XV. — XVII. yüzyıllar arasındaki haşmet devrine de tahrir (sayım) yapılırken vakfa tahsis edilen araziler ve onların gelirleri belirtilir, mevcudu az ise tahrir defterinin sonuna çoksa ayrı bir deftere kaydedilirdi. Evkaf defterlerinin vakif tesislerine veya vakif arazilerin tahririne göre, tanzim edildiği görülmektedir.

Osmanlı Devleti'nde Hüdavendigâr (Bursa) livasına tâbi olan Sögüt'ün vakıfları da bu sancağa ait evkaf defterleri içinde bulunmaktadır. Tapu ve Kadastro Genel Müdürlüğü Arşivi'nde Hüdavendigâr Sancağı'na ait iki cilt vakif defteri mevcuttur. Bu defterlerden 2. cilt içinde Sögüt'ün vakif arazileri kaydedilmiştir<sup>1</sup>. Pek tabii bu kayitlardan Sögüt' teki vakif tesislerinin tamamını çıkarmak mümkün değildir. Zira Sögüt'teki bir arazi Bilecik'teki bir tesise vakfedildiği gibi, Bilecik'teki bir arazi de Sögüt'teki bir tesise vakfedilmiş olabilir. Selâtin vakıflarında olduğu gibi bazen İmparatorluğun bir ucundaki arazi öbür ucundaki tesise vakfedilebiliyordu. Bunun en açık örneği Haremeyn (Mekke ve Medine) vakıflarında görülmektedir. Anadolu'da hemen her sancaktan sahıslar dahi Mekke ve Medine'ye vakif yapmışlardır.

Biz bu makalemizde XVI. yy.larında tanzim edilmiş olan Bursa vakif defterinde Sögüt'e ait vakif arazi kayıtları ile aynı defter içine sonradan konulmuş iki vakif hüccetinden bahsedeceğiz.

### **I — VAKIF KAYITLARI**

1. Sögüt'te bir çiftlik yer Sögüt camii imamı için Osman Bey tarafından vakfedilmiştir.

---

(1) Tapu ve Kadastro Gn. Md. Arşivi Nr. 585, V. 277 - 287.

2. Kızılsaray köyünde bir çiftlik yer Gazi Hüdavendigâr'dan vakif.
3. Bugünkü adı Zemzemiye olan Sarabhane köyünde bir çiftlik yer, Sultan Bayezid'den vakif.
4. Avdancık köyü Bahşayış oğlu İlyas Bey'e mülk olarak verilmiş, o da Yarhisar'a (Bugünkü İlyasbey) tâbi Gökçek köyünde yaptırdığı zaviye ve mescidine vakfetmiştir.
5. Avdancık'a tâbi Karaviran köyü yine İlyas Bey'e mülk olarak verilmiştir, Gökçek köyündeki zaviye ve mescidin vakfidir.
6. Avdancık köyü hududuna dahil 10 çiftlik yine Gökçek köyündeki İlyas Bey'in zaviye ve mescidine vakif.
7. Kızılsaray köyünde bir çiftlik yer Orhan Bey'den vakif.
8. İnce Pelit köyünde bir çiftlik yer Şeyh Selman'a Osman Bey'den vakif.
9. Virancık köyünde Ahmed Fakih'e bir çiftlik yer Orhan Bey'den vakif.
10. Kızılsaray köyünde bir çiftlik Ali Fakih'e Gazi Murat Bey'den vakif.
11. Başviran Köyünde Turbegi Fakih torunu İzenci Bey oğlu Ivaz'ın bir çiftlik yeri Orhan Bey'den vakif.
12. Gümran Köyü'nde bir çiftlik yer Salih oğlu Dursun Şeyh'e Murad Hüdavendigâr'dan vakif.
13. Ahur köyünde bir çiftlik yer İçoğlu Timur'a Orhan Bey'den vakif.
14. Ahur köyünde bir çiftlik Mustafa Fakih oğlu Yusuf'a Orhan Bey'den vakif.
15. Gökçeviran köyünde Namazlağu, Doğancı Deresi ve Sakızlıca Depe mevkileri arasında kalan yer Osman Bey'den beri vergiden muaf ve müislem olan Isa Sofu ve evladına vakif.
16. Söğüt'te iki çiftlik yer, biri Orhan Bey'den biri Gazi Hüdavendigâr'dan vakif. Ayrıca Söğüt zimmileri Ertuğrul canı (ruhu) için aynı vakfa dahil olduğu gibi bir bağ ve bir çiftliğinin yarısı yine Söğüt kadısı tasarrufuna verilmiştir.
17. Kozca köy mezraası Bilecik'te Ede Şeyh zaviyesine vakif.
18. Kozağacı köyü Osman Bey'den Ede Şeyh zaviyesine vakif. Avdancık köyünde bir pare yer Orhan Bey'den, Yunak köyünde 5 dönüm arazi zaviyeye Osman Bey'den vakif.
19. Yoğunca Pelit'te iki müdüllük yer Orhan Bey'den Söğüt camii imamına vakif.
20. Söğüt Derbendi'nde Sekiz Pınarı denen mevkide bir çiftlik yer Akbaş Derviş'e Osman Bey'den vakif.

21. Kara Donu mezraası Şeyh Ömer ve oğlu Şeyh Paşa'ya Halil Bey nişanı ile vakif.

22. Göynücek köyünde yarım çiftlik yer şahsa mülk.

23. Çaltı köyünde bir çiftlik yer vakif.

24. Ayasta Selgeri Pınarı mezraası vakif.

Görildüğü gibi Söğüt'te yapılan vakıfların tarihi Osman Bey ve Orhan Bey devrine kadar çıkmaktadır. Daha sonraki Osmanlı pâdişahları da aynı vakıfları yenileyerek tescil ve tasdik etmişlerdir.

Söğüt vakif kayıtları içinde Şeyh Edebali ve Şeyh Selman zaviyelerinin vakıfları dikkat çekmektedir. Ede Şeyh adıyla kaydedilen ve zaviyesinin Bilecik'te olduğu belirtilen kişi Osman Bey'in kayınpederi meşhur Şeyh Edebali'dir. Defterin kaydı, Şeyh Edebali'nin oğulları Mehmed ve Mehmed'in adlarını vererek Ali Emiri Efendi tarafından tertib edilen soykütüğüne istinad eden bilgimizi teyid ettiği gibi<sup>2</sup> Şeyh Edebali'nin Bilecik'teki zaviyesine ve eski adı Yarhisar olan bugünkü bucak merkezine adı verilen İlyas Bey'in Gökçek köyündeki zaviye ve mescidiyle Zeyve köyündeki Şeyh Selman zaviyesinin Söğüt'teki vakıflarını da ortaya koymaktadır.

## II — SEYH SELMAN ZAVİYESİ VAKIF HÜCCETİ

Deftere sonradan ilave edilmiş bir zaviye hücceti, Osman Bey devri ulemasından olduğu tahmin edilen Şeyh Selman'ın zaviyesi ile defterde kayıtlı İnce Pelit köyündeki vakif arazisinin hudutlarını vermektedir. Vakif arazisine 1121 (1709) yılında defter-i hâkâni kâtiblerinden Mehmed Hîfzi torunu Ali oğlu Hüseyin Efendi «Zeâmetim toprağimdandır» diye Şeyh Selman zaviyesi vakfına müdahale edince zaviye mütevellileri (Ebubekir b. Receb ve Ali b. Payram) zaviyenin mütevellilerinin itirazı üzerine yapılan tahkikat sonunda hüccette adları yazılı birçok şahidin ifadesi alınarak 19 Aralık 1711 (9 Zilkade 1123) tarihinde İnce Pelit köyündeki çiftliğin zaviye vakfı olduğuna karar verilmiştir<sup>3</sup>.

## III — ZAIM MUSTAFA AĞA MESCİDİ VE VAKIFLARI

İstanbul'da Fatih Camii yakınında Taşçı Mustafa Bey Mahallesi sakinlerinden Zaim Mustafa Ağa (B. Abdülhafız b. Mustafa) Söğüt'ün Aşağı mahallesinde bulunan 17 odalı ve bir havluyu ihtiva eden büyük

(2) İ. H. Uzunçarşılı, Osmanlı Tarihi, c. I, (2. baskı) İstanbul 1961, s. 260-262.

(3) TKA, Nr. 585, s. 280.

hanını, Zeyve? (Zeber?) mahallesinde iki selamlık odası, divanhânesi, kenefi ve 440 zira ebadında havlusu olan menzilini (evi) ve Sıraca (Camî-i Cedid) Mahallesinde olan iki kurnalı bir halvet, soğukluk, soyunma odası, odunluk ve çeşmeleri, tatlı suyu olan hamamının kira gelirlerini aynı mahallede yaptırdığı mescidine vakfetmiştir. Gelirden günde 4 akçe caminin imamına, 2 akça müezzinine, 2 akça kayyum ve bevvabına, 1 akça câbi ve kâtibine, 2 akçasını da mütevelliye tahsis etmiştir<sup>4</sup>.

5 Şaban 1143 (13 Şubat 1731) tarihinde vakfı tescil ettiren Mustafa Ağa 4 Receb 1144 (2 Ocak 1732) tarihinde yani ertesi yıl vakfiyede değişiklik yaparak Bayram Pınarı denen mevkiden getirdiği dörtbüçuk masura suyun üç masurasını mescidin yanında yaptırdığı çeşmeye, birbüçük masurasını da Söğüt karşısında Yeni Cami (Camî-i Cedid) yanındaki ihya eylediği çeşmeye tahsis edip, vakif gelirinden 200 kuruş ayırip, 10 u 11,5 üzerinden veya günde 1 akça tevliyyet, 1 akça da su kanalı bakıcısına tahsis etmiştir. Kendi ölümünden sonra camiin mütevelliğini de Söğüt sakinlerinden Şeyh Muhammed Efendi'ye şart etmiştir<sup>5</sup>.

---

(4) Aynı Defter, s. 286.

(5) Aynı Defter, s. 287.

**Metinler:**

## **EVKAF-I NAHİYE-İ SÖĞÜD**

**Mezraa, der karye-i Sögüd.**

Ömer Fakih'in bir çiftlik yeri vardır, İmamet için Osman Beyden ve Orhan Beyden, şimdi Ömer Fakih ve kardeşi Mehmed tasarruf eder, imamet için deyü naklolılmış an defter-i **Kirmasti** el-Haletü'l haza Mehmed Fakih fevt olmuş oğlu Ömer Fakih var. Kadimden vakf olduğu üzere merhum sultan Murad'dan ve Sultan Mehmed'den nişan-ı şerifleri var deyü kayd olmuş, der defter-i köhne. Haliya Ömer Fakih fevt olub karıdaşı Mustafa'ya sadaka olunmuş, elinde padişahımız nişan-ı hümayunu var deyü kayd olmuş der defter-i atik.

**Mezraa, der karye-i Kızıl saray.**

Ömer fakih'in bir çiftlik vakif yeri var. Gazi Hüdavendigârdan vakişidir. Elinde nişan-ı şerif var deyü nakl olmış an defter-i **Kirmasti** el Haletü'l haza-mezkur Ömer Fakih'in oğlu Hamza beg oğlu Mehmed Fakih vakfiyyet üzere mutasarrifdir. Elinde padişahımızdan ve Sultan Mehmed'den ve Gazi Hüdavendigâr'dan nişan-ı şerifleri var deyii kayd olmuş der defter-i köhne, Haliya Yahya Fakih tasarruf eder, elinde padişahımız nişan-ı hümayunu var deyü mukayyed der defter-i atik.

**Mezraa, der karye-i Şarabthane,**

Hacı Eşref Fakih'in bir çiftlik vakif yeri var. Bayezid begden ve Emir Süleyman'dan nişanları var. Mahlul olub Mevlânâ Şemseddin Ahmed'e verildi deyü nakl olmış an defter-i **Kirmasti**. el Hâletü'l hazihi - Mevlânâ Şüca mutasarrifdir. Elinde padişahımız mukarrernamesi var deyü kayd olmış der defter-i Köhne. Haliya Nimetullah nam kimesneye sadaka olunmuş elinde padişahımız nişanı hümayunu var deyu mukayyed der defter-i atik.

**Karye-i Avdancık,**

Karye-i mezbure evvelde üç hisse imiş. Tîmar tarikiyle tasarruf olunurmuş. el-Haletü'l-hazihi avatif-i hüsrevâne vâki olub —hulidet hilafetuhi— hazretleri fâriü'l-ümerâ'i'l-izâm Bahşayış oğlu İlyas Beğ

hazretlerine temlik idüb mülknâme-i padışahî erzanî kılınmış. Muceb-i mezkur üzere mülkiyet üzere tasarruf olunurken İlyas Beğ hazretleri dahi karye-i mezbureyi **Yarhisar** tevabiinde karye-i **Gökçek**'de bina itdürü zaviyesine ve mescidine vakf etdi deyü kayd olnmış der defter-i köhne. el-Haletü'l-hazihi-veçh-i meşrûh üzere mutasarriflardır deyü kayd olnmış der defter-i atik.

Hassa-i Padışahiden **Gökcek** küre nam karyenin halkı gelüb karye-i mezburede ziraat idüb öşürlerin virürler imiş deyü kayd olnmış der defter-i köhne deyu mukayyed, der defter-i atik.

#### **Karye-i Kara viran tâbi-i Avdancık.**

Karye-i mezbure karye-i **Avdancık** ile bile fahrü'l-ümerai'l-izam Bahşayış oğlu İlyas Beğ Hazretlerine pâdişahımız- hâlledet hilafetehu-hazretleri temlik edüb mülknâme-i Padışahî erzanî kılınmış, cemi hududu ve hukukuyla ki, hududnâme-i Padışahide mestûr ve mukayyeddir. Muceb-i mezkur üzere mülkiyet üzere tasarruf iderken İlyas Beğ hazretleri dahi **Yarhisar** tevabiinde karye-i **Gökcek**'de bina etdürü mescidine ve zaviyesine vakf etmiş deyü kayd olnmış der defter-i köhne. Haliya veçh-i meşruh üzere mukarrerdir deyu kayd olunmuş der defter-i atik.

Hariçden ekilür üç çiftlik yer var **resimlü** deyu defter-i atikde kayd olunmuş ve taşradan ekilür on çiftlik yeri var deyu kayd olunmuş der defter-i köhne deyu mukayyed der defter-i atik.

**Çiftlikhâ-yı müselmân** ki, bazı ma'mul ve bazı mevkufdur. Karye-i **Avdancık** hududuna dahil olduğu sebebden padışahımız-halledet hilafete-hu-hazretleri temlik idüb mülknâme-i Padışahî erzanî kılımış, muceb-i mezkur üzere mülkiyet üzere tasarruf iderken İlyas Beğ hazretleri dahi zikrolan çiftlikleri **Yarhisar** tevabiinde Karye-i **Gökcek**'de bina itdürü mescidine ve zaviyesine vakf itdi ve ma'mul olan çiftlikler bunlardır ki zikr olunur deyü kayd olunmuş der defter-i köhne. Haliya veçh-i meşruh üzere mukarrerdir deyu mukayyed der defter-i atik.

Çiftlik Avdan'da Yaarlu yeri.

Çiftlik Avdan'da Paşa Yigit yeri.

Çiftlik Avdan'da Ali yeri.

Mevkuf olub temlik olunan çiftlikler bunlardır ki zikr olunur deyu kayd olunmuş der defter-i atik.

Çiftlik Avdan'da Hacı Bayram oğlu İsa yeri.

Çiftlik Avdan'da Aslıhan yeri.

Çiftlik Güvendik yeri.

Çiftlik **Sögünd**'de emir Hasan yeri.

Çiftlik, **Pomak**'da Hüseyin Ahi yeri.

**Çiftlik-i Kara koz ve Köpür,**

Nam altı pare yerler ki, yaya-bası elindedir. Zikrolunan yerler kare-i **Avdancık** hududunda dahil olduğu sebebden padışahımız - halledet hilafetehu- hazretleri fahrü'l-ümerai'l-izam Bahşayış oğlu İlyas Beğ hidmetlerine? temlik idüb mülkname-i Padışahı sadaka olunmuş. Muceb-i mezkur üzere tasarruf olunurken zikrolunan yerleri İlyas Beğ hazretleri dahi **Yarhisar** tevabiinde karye-i **Gökcek**'de bina ittiği mescid ve zaviyesine vakfetmiş deyu kayd olunmuş der defter-i köhne. Haliya vech-i meşruh üzere mukarrerdir deyu kayd olunmuş der defter-i atik.

**Mezraa, der karye-i Kızıl saray**

Murad Fakih'in yeri, vakıfdır. Orhan Beğ'den ve Murad Beğ'den ve merhum Sultan Mehmed'den andan sonra Murad Fakih oğlu Mehmed ve anın oğlu Murad Fakih tasarruf ider deyu nakl olunmuş an defter-i **Kirmasti**. el-**Haletü'l-haza-** mevlana Şuca'ya sadaka olunmuş, elinde padışahımız beratı var deyu kayd olunmuş der defter-i köhne haliya Mahmud nam kimesneye sadaka olunmuş elinde padışahımız beratı var deyu kayd olunmuş der defter-i atik.

**Mezraa, der karye-i İnce Pelid.**

Seyh Selman'ın bir çiftlik vakif yeri var, vakıfdır. Osman Beğ'den ve sultandan nişanları var. Ali şeyh tasarruf ider imiş andan sonra Ali seyh oğlu Mehmed ve karıdaşı Osman tasarruf iderler deyu naklololunmuş an defter-i **Kirmasti** andan sonra Mehmed oğlu Mustafa'ya ve Yaban-eri Aydin'a sadaka olunmuş. -el **Haletü'l-haza-**mezkur Aydin fevt olmuş hissesi oğlu Mehmed'e verilmiş ve sabıkān zikr olunan Osman müiteveffa olub İvaz nam oğlu kalmış ve mezkuran Mustafa ile Mehmed tasarruf iderler ellerinde padışahımız beratı var ve sultan Mehmed'den ve Sultan Hüdavendigar'dan nişanları var deyu kayd olunmuş der defter-i köhne. Haliya İsa ve Mahmud ve İvaz nam kimesneler mutasarrıflardır. Ellerinde pâdişahımızdan nişan-i hümayunları var deyu mukayyed der defter-i atik.

**Mezraa, der karye-i Viraneçik.**

Ahmed Fakih'in Beglen'in bir çiftlik vakif yeri var, vakıfdır. Orhan Beğ'den ve Bayezid Beğ'den şimdi Ahmed Fakih oğlu Yusuf Fakih ve Kasım Fakih ve Belük Süleyman Fakih tasarruf iderler deyu nakl olunmuş an defter-i **Kirmasti**. Şimdi Ahmed Fakih ve Beğlik Fakih tasarruf iderler. Ellerinde merhum Orhan Hüdavendigâr'dan bu çiftliği verdük deyu nişan-i şerif var deyu kayd olunmuş der defter-i köhne el-**Haletü'l-haza-**mezkur Yusuf Fakih ve Süleyman Fakih fevt olub kimesneleri kalmayub mezkur Kasım Fakih'le oğlu İbrahim Fakih'e sadaka olunmuş. Ellerinde padışahımızdan mukarrernameleri var ve Sultan Mehmed'den

ve Sultan Murad Han Hüdavendigâr'dan ve Emir Süleyman'dan ve Bayezid Hüdavendigâr'dan ve Gazi Hüdavendigâr'dan ve Orhan Beğ'den nisan-i şerifleri var deyu kayd olunmuş der defter-i köhne. Haliya Hamza Fakih'e sadaka olunmuş elinde padişahımız nişanı var deyu mukayyed der defter-i atik.

#### **Mezraa, der karye-i Kızıl Saray.**

Ali Fakih'in bir çiftlik vakıf yeri var, vakıfdır, Gazi Murad'dan. Şimdi Ali Fakih'in oğulları Salih Fakih ve Ramazan Fakih tasarruf ider merhum sultan Mehmed Gazi nişanıyla deyu nakl olunmuş an defter-i Kirmasti. el-Haletü'l-haza mezkur Ramazan Fakih ve Salih Fakih oğlu Osman mutasarrıflardır. Ellerinde padişahımız mukarrernamesi var ve merhum Sultan Mehmed'den ve Sultan Murad'dan ve Sultan Hüdavendigâr'dan ve Bayezid Hüdavendigâr'dan nişanları var deyu kayd olunmuş der defter-i köhne. Haliya Ali nam kimesneye sadaka olunmuş elinde padişahımız beratı var deyu kayd olunmuş der defter-i atik.

#### **Mezraa, der karye-i Baş viran.**

Turbeği Fakih oğlu İzenci Beğ oğlu İvaz elinde bir çiftlik vakıf yeri var. Vakfiyyet üzere Murad Hüdavendigâr'dan nişanı var. Şimdi iman Yusuf Fakih'e sadaka olunmuş deyu nakl olunmuş an defter-i Kirmasti. el-Haletü'l-haza, mezkur Yusuf Fakih vakfiyyet üzere mutasarrıflardır. Padişahımız mukarrernamesiyle merhum Sultan Mehmed'den ve Sultan Murad'dan ve Bayezid Hüdavendigâr'dan ve Gazi Hüdavendigâr'dan ve Orhan Beğ'den vakfiyyet üzere nisan-i şerifleri var deyu kayd olunmuş der defter-i köhne. Haliya Ali Fakih imamet üzere mutasarrıfdır. Elinde padişahımız nişanı var deyu kayd olunmuş der defter-i atik.

#### **Mezraa, der karye-i Gümran.**

Salih Seyh oğlu Tursun'un bir çiftlik vakıf yeri var. Murad Beğ'den ve Bayezid Beğ'den ve merhum Murad Hüdavendigar'dan nişanları var. Vakfiyyet üzere tasarruf iderler deyu nakl olunmuş an defter-i Kirmasti. el-Haletü'l-haza merhum Tursun Seyh vakfiyyet üzere mutasarrıfdır, elinde padişahımız mukarrernamesi var, Merhum Mehmed Gazi'den hükm-i hümayunları var deyu kayd der defter-i köhne. Haliya Mehmed nam kimesneye sadaka. Elinde padişahımız beratı var. el-Haletü'l-haza Mehmed'den alınub Derviş Aydin'a sadaka olunmuş, elinde padişahımız nişanı var deyu mukayyed der defter-i atik.

#### **Mezraa, der karye-i Ahur.**

İç oğlu Timur'un bir çiftlik yeri var, vakıfdır. Orhan Beğ'den merhum Timur'un kardeşi Umur ve Ali vakfiyyet üzere mutasarrıflardır. Ellerinde merhum Sultan Murad Han nişanı var deyu nakl olunmuş an

defter-i Kirmasti. el-Haletü'l-haza merhum Timur müteveffa olub Hızır Fakih'e sadaka olunmuş ve mezkur Umur dahi müteveffa olub sadakaşı oğlu GÜvendik'e sadaka olunmuş ve mezkur Ali dahi müteveffa olub sadakası oğlu Durmuş'a sadaka olunmuş. Muceb-i mezkur üzere ellerinde padışahımız mukarrernamesi var ve merhum Sultan Mehmed'den ve Sultan Murad'dan ve Gazi Hüdavendigar'dan ve Orhan Beğ'den nişanları var deyu kayd olunmuş der defter-i köhne. Haliya Durmuş veled-i aleyhe takarrür olunmuş. Elinde padışahımız nişan-ı hümayunu var deyu kayd olunmuş der defter-i atik.

#### Mezraa, der karye-i Ahur.

Mustafa Fakih oğlu Yusuf'un yeri, vakıfıdır. Orhan Beğ'den vakfiyyet üzere tasarruf ider. Merhum Sultan Mehmed nişaniyla tasarruf ider deyu nakl olunmuş an defter-i Kirmasti el-Haletü'l-haza mezkur Yusuf'ın oğlu Hibetullah tasarruf ider elinde pâdişahımız beratı var. Ve merhum Sultan Mehmed'den ve merhum Sultan Murad'dan hükm-i hümayunları var deyu kayd olunmuş der defter-i köhne. Haliya Hacı veled-i Hibe nam kimesneye sadaka olunmuş elinde padışahımız beratı var deyu kayd olunmuş der defter-i atik.

#### Mezraa, der karye-i Gökçe viran.

İsa Sofu Osman Beğ'den ve Gazi Hüdavendigâr'dan muaf ve müsellem imiş. Şimdi anın evladından Sofu Hasan oğlu Davud ve kardeşi Sevindik muaf ve müsellemdir deyu nakl olunmuş an defter-i Kirmasti. Mezkuran Davud ve Sevindik ellerinde Sultan Mehmed'den ve Gazi Hüdavendigâr'dan ve Orhan Beğ'den nişan-ı hümayunları vardır ki, Namazlağrı'dan, Doğancı deresinden Sakızlıca depe'ye varınca vakfettim deyu kayd olunmuş der defter-i köhne. el-Haletü'l-haza mezkur Sevindik fevt olmuş Halil ve Hasan nam oğulları var deyu kayd der defter-i köhne. Haliya Ali ve Musa Fakih ve Hüseyin ve Ahmed ve Hasan nam kimesneler mutasarrıflardır. Ellerinde padışahımız beratı var deyu mu-kayyed der defter-i atik.

#### Mezraa,

Söğüt'de mezkur Söğüt Kadısı iki çiftlik yer tasarruf ider, vakıfıdır. Biri Orhan Beğ'den ve biri Gazi Hüdavendigâr'dan ve üç ellici kâfirler var ve Ertuğrul canı için ve bir pare bağ vardır. Reşidler oğlu Çiftliği'nin nısfın bile tasarruf ider deyu nakl olunmuş an defter-i Kirmasti. Andan sonra Kadı Ömer Fakih tasarruf itmiş, sonra timara emr olundu deyu kayd olunmuş der defter-i köhne. el-Hâletü'l-hazihi zikrolunan vakıf mezraalar be tamam ha vakfiyyet üzere mukarrer olub Mahmud Çelebi'ye sadaka olunmuş şimdî mezkur Mahmud Çelebi

imam ve hatib olub vakfı mezbur Hamid Fakih'e sadaka olundu der defter-i köhne. Haliya Emir Mahmud'a sadaka olunmuş. Elinde padışa-hımız beratı var deyu mukayyeddir der defter-i atik.

**Çiftlik**, der yed-i Kâfir Yusuf veled-i Kondi (zimmi).

İsa bin Mehmed ve Maden bin Hamza ve Kasım b. Mehmed ösr ve rüsumun sahib-i arza virürler iki çifilik yerdır. Kendüler Sögünd'e olurlarmış.

Defter-i atikde raiyyet elinde iki çift, hariç elinde resimli bir çiftlik kayd olunmuş imiş.

**Mezraa-i Kozca köy**, vakıfdır.

Osman Beğ'den **Bilecik**'de **Ede Şeyh Zaviyesine**, mezkur Ede Şeyh oğlu Mahmud tasarruf idermiş. Şimdi Mahmud oğlu Şeyh Mehmed tasarruf ider deyu nakl olunmuş ar defter-i **Kirmasti**. Meşhur Şeyh Mehmed her karar-ı sabık zaviye-i mezkurda şeyh olub zikr olan vakfa mutasarrif olub şerait-i mesihatı müeddi kila, ayende ve revendeye hidmet ede deyu elinde nişan-ı hümayûn var. Ve merhum Sultan Mehmed Gazi'den nişan-ı şerif var deyu kayd olunmuş der defter-i köhne. Haliya Paşa ve Mahmud nam kimesneler mutasarrıflardır ve mezkurlar dan alınub Mümin Fakih nam kimesneye sadaka olunmuş ber mucib-i defter-i atik elinde nişan-ı hümayunu var imiş.

**Karye-i Koz Ağacı**, vakıfdır.

Osman Beğ'den Ede Şeyh Zaviyesine, şimdiki halde Ede Şeyh oğlu Mahmud, Şeyh, oğlu Şeyh Mehmed tasarruf ider deyu nakl olunmuş an defter-i **Kirmasti**. Mezkur Şeyh Mehmed zaviye-i mezkurda şeyh olub zikrolan köyü vakfiyyet üzere tasarruf idüb şerait-i mesihatın yerine getirüb ayende ve revendeye hidmet ede deyu ellerinde mukarrernamesi var deyu kayd olunmuş der defter-i atik Haliya Mümin Dede nam kemesne mutasarrif deyu kayd olunmuş der defter-i atik elinde nişan-ı hümayunu varmış.

Mezkur **Koz Ağacı** reayası yerlerinden kalkub **Kozca** nam mezraa üzerine varub temekkün eylemişler. Karye-i mezbure yerleri mezkurların mezraalarıdır. Ve mezkur kayd olunanlar **Piyade tâifesidir ki, Koz Ağacı** yerlerinde ziraat idüb sahib-i vakfa hukuk-ı lazimelerin verirler.

Karye-i **Avdancık**'da merhum Orhan Beğ'den bir para yer vakfeyle dim deyu misal-ı şerif var. Mahsuli zaviyede sarf olunur deyu kayd olunmuş der defter-i köhne deyu kayd olunmuş. Haliya yine mukarrer deyu mukayyed der defter-i atik.

Ve Sögünd'e olan Osman Beğden üç kâfir yeri bile vakıfdır. Zaviyede sarf olunur deyu mukayyed der defter-i atik.

Karye-i Yunak'da bağ yerleri var imiş beş dönüm miktarı vakfiyyet üzere tasarruf iderler imiş hariç ez defter deyu kayd olunmuş der defter-i köhne. Haliye yine vakfiyyet üzere sarf olunur deyu mukayyed der defter-i atik.

Mezraa,

**Yoğunca Pelid'**de iki mudluk yer var, vakıfdır. Orhan Beg'den imamet için deyli nak olunmuş an defter-i Kirmasti. el-Haletü'l-haza Söğüd Camii müezzini Cüneyd Fakih'e sadaka olunmuş elinde padişahımız beratı var deyu kayd olunmuş der defter-i köhne. Haliya imam Mustafa Fakih mutasarrif elinde padişahımız nişanı var deyu mukayyed der defter-i atik.

Mezraa,

Söğüd Derbendinde Sekiz Pınarı dimekle ma'ruf mevziden bir çiftlik yeri Akboş Derviş'e Osman Hüdavendigâr'dan vakif imiş. Selatin-i maziyye nişanlarıyla mezkûr Akbaş evladı mutasarrif deyu kadilar mektupları var. el-Hâleti'l hazihi harab gayri mukarrer ve gayri ma'mur Hariç ez-defter deyu kayd olunmuş, der defter-i köhne. Haliya Salih nam kimesne mutasarrif, padişahımız nişanı ile deyu mukayyedder defter-i atik.

Mezraa-i Kara Doni, vakıfdır.

Kadimden mektubları zayı olmuş Halil Beg'den nisan var. Seyh Ömer tasarruf ider andan sonra oğlu Şeyh Paşa tasarruf ider. Vakfiyyet üzere ve oğlu Klaguz deyu nakl olunmuş der defter-i Kirmasti. Andan sonra merhum Sultan Hüdavendigâr'dan nişan-ı şerif var deyu kayd olmuş der defter-i köhne. Ve hem Tekyesi dahi vardır denilmiş deyu kayd olmuş der defter-i atik. Haliya Ali Fakih ve Nasuh nam kimesneler mutasarrıflar ellerinde padişahımız nişan-ı şerifi var deyu mukayyed der defter-i atik.

Kaza-i Sögüd'de karye-i Göynücek'de nim çiftlik vakif yeri, Ahmed nam kimesne mukaddema berat-ı şahîyle tasarruf iderken fevt oldukça İsa nam kimesneye verilmiş.

Kaza-i Sögüd'de karye-i Çalrı'da bir çiftlik yeri ki vakıfdır deyu alâ sebilü'l-iştirak Mehmed ve Kasım ve Durmuş ve Musa ve İsa mutasarrıflardır. Ellerinde padişahımız beratı var.

Karye-i Ayaş'da Selgeri yeri çiftliği dimekle maruf çiftlik ki, bir çiftlik yerdir mezbûr karye-i Ayaş mezraa-i Pınarı mülkdür deyu kayd olunmuş bade vakif olub ber vech-i iştirak imam mevlana Ali Fakih ve

Devlethan nam kimesneler mutasarriflardır. Ellerinde padişahımız nişanı var.

Husus-i atiü'l beyanın mahallinde istima've faslı için Vilayet-i Anadolu'da Söğüt kazasında Zeyve nam karye kurbunda medfun merhum Şeyh Selman zaviyesinin ba berat-ı âlişan ber-vech-i iştirak evladiyet ve meşrutiyet üzere zaviyedârları ve evkâfinin mütevellileri olan Ebubekir bin Receb ve Ali bin Bayram nam kimesneler yedleriyle ancak bu fakire hitaben ferman-ı âli sadır olmağın imtisalen leh bu fakir karye-i mezbure kurbunda vaki mahall-i nizam üzerine varub neyli vesikada muharrerü'l esami-i müslimin huzurlarında akd-ı meclis-i şer'i kadim olundukda işbu **şafiü'l kitab-ı mezburan** Ebubekir ve Ali meclis-i makûd-ı mezburda zikr-i ati münazaa fiha olan araziye iki seneden beri vaz-ı yed-i mütahakkik olan defter-i hâkâni kâtiblerinden Hifzi Hüseyin Efendi bin Ali bin Mehmed tarafından husus-i atiü'l beyan vekil olduğu Ahmed bin İbrahim ve Hüseyin bin Ali nam kimesneler şahadetle-riyle şer'an vekâleti sabit ve sübut vekâletine hükm-i şer'lahak olan Lefke kethüda yeri Ahmed Ağa bin Osman mahzarında her biri bi't tevliye üzerinde davâ ve takrir-i kelam idüb ber-vech-i evladiyet ve meşrutiyet mütevellileri olduğumuz zaviye-i mezbure evkafının işbu hudud-ı erbaadan merhum-ı mezbur kurbunda olan mukabil-i müsliminden İnce Pelid nam mevziye andan araba yolundan Kara Oruç nam mevziye, andan Damlakçı pinarı'ndan akarsudan Nehir değirmenine andan Kerlik'den Su kuşoduğu'ndan karye-i mezbur kenarında vaki nehr-i cariye andan çatal Emrud'dan araba yolundan İnce Pelid nam mahalle varincaya degein bir çiftlik arazi yedimizde olan defter-i cedid-i hakanide mukayyed zaviye-i mezbure vakfı arazisinden olub kadimü'l eyyamdan beri öşr ve resmi zaviye-i mezbure vakfı tarafından alına gelmekle tarih-i kitabdan iki sene mukaddem müvekkil-i mezbur Hifzi Hüseyin Efendi «zeametim toprağındandır» deyu hilaf-ı defter ve kadime muga-yır fuzuli öşr ve resmin ahz u kabz ve vakf-ı mezbur arazisinde bi'l cümle zabit ve taaddi eylemekle halâ vekil-i mezbure sual olunub müvekkilinin «kasr-ı yedine tenbih olunmak bi't tevliye matlubumuzdur» dediklerinde gibbe's sual vekil-i mezbur cevabında filhakika müvekkil-i mezburun zeamet toprağından olmak üzere iki sene mukaddem zabit ve öşr ve resmin ahz eylediğin ikrar lâkin ber-vech-i muharrer müddeaların inkâr idicek mezbur andan müddealarına beyyine taleb olundukda udul-ı müsliminden ve hüsün ü ihtiyar bi garaz kimesnelerden olub karye-i mezbure ahalilerinden Ahmed bin Abdi ve Halil bin Nasuh ve Osman bin Ömer ve Ali bin Mehmed ve Hüseyin bin Yahya ve Hüseyin bin Abdi ve Mustafa bin Bağdad ve Mehmed bin İbrahim ve İvaz bin

Abdülahiz ve Ramazan bin Bedreddin ve Atbaşı nam karye'den Hüseyin bin Yahya ve Mehmed bin Ahmed ve Yeni nam karyeden Mehmed bin Süleyman ve İvaz bin Ali ve Mustafa bin Bayram ve Küre nam karyeden Mehmed bin İbrahim ve Ali bin Veli ve Süleyman bin Ahmed ve Bilecik ahalisinden Süleyman bin Mehmed ve İbrahim bin Ali ve Veli bin Mehmed nam kimesneler ehl-i sehade-i meclis-i ma'kud-i mezkure hazırda olub istişhad olunduklarında fi'l vaki' «işbu hudud-i mezkur ile mahdud ve mümtaz bir çiftlik arazi müddeleyan-i mezbûranın ber-vech-i iştirak evladiyet ve meşrutiyet üzere mütevellileri oldukları zaviye-i mezbûre vakfı arazisinden olub zikr olunan vakif çiftlik yerinin kadimü'l eyyamdan beri ösr ve resmi zaviye-i mezbûre vakfı tarafından mütevellileri ahz u kabz ve merhum-i mezbûrun merkad-i şerifine ve tekyesinin levazımına harc ve sarf idegelmışlardır, husus-i bezburu eba veecdad ve sair hüsün u ihtiyarlarımızdan istima' idüb böyle bilüriz, bizzler bu hususa bu vech üzere şahidleriz şehadet dahi ideriz» deyu her birin eda-yı şehadet-i şer'iyye eylediklerinden bade't ta'dil ve't tezkiye şehadetleri makbul olmağın bu hüccec bade'l hükm ve't tenbih ma vaki bi't taleb ketb olundu.

fi'l yevmi't tasi min zilkadetü's şerife li seneti selase öşrin ve miye ve elf

Suhudü'l Hal

Veli İbn Abdullah an Bilecik

Süleyman İbn Beşe an Bilecik

Ahmed bin an karye-i Tellice

Ahmed Naib an Sögünd?

Hasan İbn Halil

Hasan bin Yahya an Kepez?

..... İşbu kitab-i sıhhat nisabin tahrir ve insasına bais ve badi oldurki darü'l hilafeti'l âliyyeti'l Konstantiniyyeti'l mahmîyede merhum Ebu'l Feth Sultan Mehmed Han —tabe serahu— cami-i şerifi kurbunda Taşçı Mustafa Beg mahallesinde sâkin umdeti'l emacid ve'l ekârim sahibü'l hayrat ve'l hasenat ve talibü'l ve'l mizan hâfız-i hâze'l kitab Zaim Mustafa Ağa İbnü'l merhum Abdü'l Hâfız İbnü'l Mustafa ..... mütevelli nasb ve tayin olunan Ahmed Ağa İbn Hüseyin mahzarında ikrar ve takrir-i kelâm idüb vakf-i ati suduruna degein yedimde mülk ve hakkım olub Vilâyet-i Anadolu'da Sögünd kasa-basında Aşağı Mahallesi'nde vâki iki taraftan el-hac İbrahim nam kimesne mülki kârgır ve tahta han, ve bir taraftan Halil Ağa veresesi ha-

ni, ve bir taraftan Kömürcüoğlu mülki, ve bir taraftan tarik-i âmm ile mahdud on yedi ocak ve taşrasında havlı muhtevi Kebir Han ve kasaba-i mezkure'de Zeber mahallesinde vaki iki taraftan Ali Ağa İbn Osman Ağa mülki, ve bir taraftan Ebubekir Çelebi İbn Ali Ağa mülki ve bir taraftan tarik-i âmm ile mahdud iki bab selâmlık odası, ve divanhanе, ve kenif, ve tulen ve arzen bi hesab-i terbi' dört yüz kırk zira' havluyi muhtevi mülk-i menzil, ve kasaba-i mezburede Cami-i Cedit mahallesinde vâki, bir taraftan Kâşife binti Muhammed nam hatun mülki, ve iki taraftan İbrahim bin Mahmud nam kimesne mülki, ve bir taraftan tarik-i âmm ile mahdud iki kurnali bir halvet ve sovukluk ve câmekân ve mahtab ve kenif ve kanavât-ı mestan ile muharrer bir masura ma-i lezizi muhtevi mülki hamami cemi tevabi ve levahik ve kâffe-i menâfi ve merafî ile hasbeten lillâhi tealâ ve taleben li mîrzati'r rabbi'l âlâ vakf-ı sahîh-i müebbed ve habs-i sarîh-i muhalled ile vakfı habs idüb söyle şart ve tayin eyledimki zikr olunan Han ve Menzil ve Hamam icare-i muaccele ve müeccele ile ahere icar olunub hasila olan icarelerinden mukaddema mahalle-i mezbûrda bina ve ihya ve vakf eylediğim mescid-i şerîfde imam olan kimesne yevmî dört akçe ve müezzin olan kimesne yevmî iki ve kayyum ve bevbab olan kimesne yevmî iki akçe ve câbi ve kâtib olan kimesne yevmî bir akçe vazifeye mutasarrif olub her biri hizmet-i mezkurelerinden müced ve sai' olub tehavün ve tekâsûl itmeyeler. Ve yevmî iki akçe vazife-i tevliyet olub tevliyet-i mezkure müddet-i hayatında bana meşruta ola. Bi emrîllâhi tealâ kaza-i nuhub ve lika-ı rabb eylediğimde tevliyet-i mezbûre muhtarları olan bir salih ve mütedeyyin kimesneye rey-i hakimü's şer' ile tevcih olunub vazife-i mersumesine mutasarrif ola. Ve icare-i mezkureden her ne fazla kalursa zikr olunan mescid-i şerîfin revgan-ı şem ve hasır ve sair mühimmatına harc ve sarf oluna. Ve vakf-ı mezbûrun tebdil ve tağyir ve taklîl ve teksiri merreten bade uhra yedimde ola. Ve vakf-ı mezbûre ahali-i mahalle-i merkume hasbi nâzir olalar. Ve mürur-ı eyyâm ve kûrrur ve şuhur-ı avam ile vakf-ı mezbûre fütûr-ı arz olub şurut-ı mezku reye riayet müteazir olursa ol zaman vakf-ı mezbûr mutlaka vakf-ı fu-kara-yı ehl-i iman ola deyu tayin-i şurut ve tebyin-i komud idüb zikr olunan han ve menzil ve hamami fariğan anî'l sevvâgil bundan akdem mahallinde mütevelli-i mezbûre def ve teslim ol dahi vakfiyyet üzere kabz ve teslim ve sair evkaf mütevellileri gibi zabt ve tasarruf eyledi dedikde .....

---

(\*) Noktalı yerler dua ve beddualar olup metne alınmamıştır.

Fî'l yevmi'l hamis min şabani'l muazzam li seneti selase ve erbain  
ve miye ve elf.



Elhamdülillahi rabbi'l âlemin ve's selâm alâ nebiyyihu  
Muhammed ve âlihu ve sahibihu ecmâin. Amma ba'd işbu kitab-ı sîh-  
hat nisâbin tahririne bâis ve bâdi oldurki mahmiye-i İstanbul'da mer-  
hum Ebu'l Feth Mehmed Han - tâbe serahu - cami-i şerifi kurbunda  
Taşçı Mustafa Beg mahallesinde sâkin fahru'l emacid ve'l ayân sahibü'l  
hayrât ve'l hasenât Zaim Mustafa Ağa İbnü'l merhum Abdülhâfız Ağa  
İbn Mustafa Ağa meclis-i şer'i şerif-i enverde tahrir-i kelâm ve besti  
meram idüb Vilâyet-i Anadolu'du Sögünd kasabasında Sîracâ Mahalle-  
si'nde bina ve ihya ve bin yüz kırk üç senesi Şaban-ı muazzamı evâilin-  
de vakf-ı sahîh ile vakf ve tescil ettirdiğim Mescid-i Şerifin balâda mez-  
kur vakfiyemde tebdil ve tağyir ve taklîl ve teksiri yedimde olmak şar-  
tına binaen vakfiye-i mezburemde olan bazı şurutumdan rücu ve vakf-ı  
mezkûruma tezaif ve nezaide murad itmemle kasaba-i mezkûre sınıru  
dahilinde kimesnenin mülki olmayan Bayram Pınarı dimekle ma'ruf  
mahalde vâki' âbâd-ı müteferrika ve lağım ve kanevat ile bilütfullahi  
tealâ ve kerremehu zaferyab olduğum dört buçuk masura ma-i lezizin  
üç masurası Mescid-i Mezkûrun kurbunda bina ve ihya eylediğim çes-  
meye ve bir buçuk masura ma-i leziz kasaba-i merkume suvkunda ca-  
mi-i cedid kurbunda ber vech-i muharrer ihya eylediğim çesmeye icra  
oluna. Ve zikr olunan ma-i leziz mühimmâti için atiybü'l halden iki yüz  
guruş ifraz ve hasbeten lillahi'l mülki'l müteal vakf-ı sahîh-i müebbed  
ile vakf ve habs idüb söyle şart ve tayin eyledimki meblağ-ı mezbûr se-  
nede her onu onbir buçuk hesabı üzere yed-i mütevelli ile alâ vechi'l  
helal rehin-i kavi ve kefil-i meli ile yahud alâ hasb-i iktizai'l cal ikisin-  
den biriyle istirbah ve istiglâ-i hasila olan galle ve nemasından yevmî  
bir akça tevliyet, ve yevmî bir akçe vazife-i rah-i abi olub tevliyet-i mez-  
kûre kasaba-i mezbûre siikkânından umdetü'l vaizin Şeyh Muhammed  
Efendi'ye müddet-i hayatında meşruta ola. Ve Mescid-i mezkûr vakfin  
tevliyeti müddet-i hayatında bana bi emrillahi teâlâ kaza-i nuhub ve  
lika-i rabb eylediğimde tevliyet-i mezkûre kasaba-i mezkûre ahalisinin  
muhtarları olan bir salih ve mütedeyyin ve müstakim kimesneye rey-i  
hakimü's şer' ile tevcih olana deyu şart ve tayin etmiş idim. Hâlâ şart-ı  
mezkurdan rücu ve Mescid-i mezkûr tevliyetini dahi mumâ-ileyh Şeyh  
Muhammed Efendiye müddet-i hayatmdan sonra meşruta ola. Bade  
vefatehu kasaba-i mezkûre ahalisinin ber vech-i muharrer muhtarları

olan Pir-i Salih ve mütedeyyin ve mustakim kimesne rey-i hakimü's şer' ile mütevelli ola deyu tayin-i şurut ve vakfı mezburuma zam ve lihak eyledim. Hâlâ vakfiye-i mezkureme bade'n nazar kîbel-i şer'iden hükm-i birle tenfiz olunmak matlubumdur dedikde mazmuni min külli'l vücuh takririne muvafık bir kit'a vakfiye ibraz etmeğin hâkim-i mevki sadr-i kitab **tubi lehu** ve hüsн meab hazretleri alâ kavl min yerahu vakfı mezburun sıhhat ve lüzumuna hükm ve tenfiz etmeğin ma hüve'l vaki' bi't taleb ketb olundu.

Fî yevmi'r râbi ve'l-işrin min Recebi'l ferd li seneti erbaa ve erbain ve miye ve elf (1144).